

明繆希雍著

上海衛生出版社

先醒齋醫學廣筆記

內 容 提 要

全書共四卷。前三卷列載繆氏生平治療心得及其驗案、效方，內、外、婦、幼各科兼備，語簡法明，多獨到之處。如所述“吐血三要法”乃從經驗中深切體會出的治療規律，是在醫學進展過程中的一項重要記錄。末卷為炮炙入法，選取常用藥品433種，按照雷公炮製，加以增刪，附以用藥凡例。

本書對於臨床治療，處方製劑，頗多闡明，切合實用，茲重校印行，提供中西醫師以及藥劑人員參考。

先醒齋醫學廣筆記

繆 希 雍 著

*

上海衛生出版社出版

（上海南京西路2004號）

上海市書刊出版業營業許可證出 080 號

上海新華印刷廠印刷 新華書店上海發行所總經售

*

開本 787×1092 耗 1/32 印張 6 字數 115,000

1958年2月第1版 1958年2月第1次印刷

印數 1—3,000


統一書號 14120·371

定價 (9) 0.70 元

李序

古鄆丁長孺先生。世好醫學。而獨心服吾師仲淳先生。蓋稽其言有徵。驗之事不忒。一方一案。必輯而錄之。以公海內。所謂先醒齋筆記。無不以爲枕中鴻寶矣。金沙好事者復廣之。增所未備。不無小補。顧余佩服師訓。雅欲家守其說。人師其用。而舊刻遠藏他郡。未必遐邇流通。首春無事。簡閱故本。刪其餘論。附以臆說。追思承事吾師于三簪之下。五易葵藿。本草經疏一書。相與究尾明首。尋注合經。宣揚至理。窮極天地。每疏一品。必相顧而笑。謂倉公仲景而在。當無奈我兩人何也。余不敏。于吾師幸得承其遺教。公之謬焉。因爲重刻此記。以廣其傳。雖然。黃帝至聖。生而神靈。尙有靈蘭之藏。卽經疏未必盡發。況一二筆記哉。藉識以俟世之君子。

崇禎壬午夏虞山李枝季虬甫述



丁序

先大夫雅好醫。錄方幾成帙。予小子試之。茫乎無緒也。歲丁亥。交繆仲淳氏。仲淳豪爽自負。岐黃之訣。禱東垣。仲景以上。尤注精本草。曰。三墳書不傳。傳者此爾。遊轍不持藥囊。爲人手疏方。輒奇中。其所診視。及刀匕湯液。與俗醫左。俗醫不能解。輒謗。遇險怪症。數年不起。或皇遽計無復之。必拱手請賈繹先生。仲淳往往生死人。攘臂自快。不索謝。上自明公卿。下至卑田院乞兒。直平等視。故索方者日益相知。錄其方。隨相傳試。靡不奇驗。仲淳一切無所憚。曰。顧用之何如爾。仲淳意所獨到。堅執不移。至俗醫相顧却走。意氣閒定自若。其察脉審症。四顧踟躕。又甚細甚虛甚小心。生平好遊。繡流羽客。樵叟村醫。相與垂盼。膝披肝胆。以故蒐羅祕方甚富。然惟仲淳能衷之。曰。我以脉與證試方。不以方嘗病也。予辛亥。賜告歸。不敢以山中餘日漫付高枕。彙三十餘年所積方。取奇中者。裁之。仲淳並錄後先醫案。類而梓之。以廣其傳。竊自附古人手錄方書之意云。仲淳諱希雍。海虞故家子。多僑寓。所至稱寓公。

癸丑春日曲肱道人丁元薦題

自序

予既不事王侯。獨全微尚。幽棲自遂。遠于塵累。以保天年。然無功及物。亦豈道人之懷乎。於是蒐輯醫方。精求藥道。用存利濟。隨所試效。病家藏之。好事者抄錄。轉相授受。復多獲驗。先是長興丁客部長孺手集予方一冊。命之曰先醒齋筆記。梓行于世。板留巖邑。未便流通。交游中多索此書者。卒無以應。予適旅泊金沙。文學莊君歛之。時時過從。請增益羣方。兼采本草常用之藥。增至四百餘品。詳其脩事。又增入傷寒溫病時疫治法要旨。併屬其季君啟之。鑲板流行。傳之遠邇。庶窮鄉僻邑。舟次旅邸。偶乏明醫。俾病者按方施治。以瘳疾苦。則是書或有補于世也夫。歛之曰善。時

天啓二年歲次壬戌仲冬既望東吳繆希雍自序

先醒齋醫學廣筆記目錄

卷之一

中風	一
寒	四
暑	五
瘡	一八
痢	二七
泄瀉	三三
脾胃	四〇
虛弱	四七
吐血	五〇

卷之二

消渴證	三三
婦人	三三

卷之三

幼科 附痘疹	九
腫毒	九四
雜症	一二五

卷之四

炮炙大法	二六
水部 種十四	二六
火部 種四	二九
土部 種六	三〇

金部 種十三	三〇
石部 種二十	三三
草部 種一百五	三六
木部 種七十	四〇
果部 種二十	四三
米穀部 種四	四六
菜部 種十六	四六
人部 種九	四七
獸部 種二十	四七
禽部 種三	四八
蟲魚部 種三十	四八
用藥凡例	四八

先醒齋醫學廣筆記

明 東吳 繆希雍仲淳 著

卷之一

中風

治法大略

凡言中風。有真假內外之別。差之毫釐。謬以千里。何者。西北土地高寒。風氣剛猛。真氣空虛之人。猝爲所中。中臟者死。中腑者成廢人。中經絡者可調理而瘳。治之道。先以解散風邪爲急。次則補養氣血。此真中外來風邪之候也。其藥以小續命湯。桂枝、麻黃、生熟附子、羌獨活、防風、白芷、南星、甘草之屬爲本。若大江以南之東西兩浙、七閩、百粵、兩川、滇南、鬼方、荆、揚、梁、三州之域。天地之風氣既殊。人之所稟亦異。其地絕無剛猛之風。而多濕熱之氣。質多柔脆。往往多熱多痰。真陰既虧。內熱彌甚。煎熬津液。凝結爲痰。壅塞氣道。不得通利。熱極生風。亦致猝然僵仆。類中風證。或不省人事。或言語謇澀。或口眼歪斜。或半身不遂。其將發也。外必先顯內熱之候。或口乾舌苦。或大便閉澀。小便短赤。此其驗也。劉河間所謂此證全是將息失宜。水不制火。丹溪所謂濕熱相火。中痰中氣是也。此卽內虛暗風。確係陰陽兩虛。而陰虛者爲多。與外來風邪迥別。法當清熱順氣開痰以救其標。次當治本。陰虛則益血。陽虛則補氣。氣血兩虛則氣血兼

補。久以持之。設若誤用治真中風藥。如前種種風燥之劑。則輕變爲重。重則必死。禍福反掌。不可不察也。初清熱則天門冬、麥門冬、甘菊花、白芍藥、白茯苓、括蕒根、童便。順氣則紫蘇子、枇杷葉、橘紅、鬱金。開痰則貝母、白芥子、竹瀝、荊瀝、括蕒仁。次治本。益陰則天門冬、甘菊花、懷生地、當歸身、白芍藥、枸杞子、麥門冬、五味子、牛膝、人乳、白膠、黃柏、白蒺藜之屬。補陽則人參、黃芪、鹿茸、大棗。乙卯春正月三日。予忽患口角歪斜。右目及右耳根俱痛。右頰浮腫。仲淳曰。此內熱生風及痰也。治痰先清火。清火先養陰。最忌燥劑。

真蘇子 三錢 廣橘紅 三錢 括蕒根 三錢 貝母 四錢 天門冬 三錢 麥門冬 五錢 白芍藥 四錢

甘草 七分 鮮沙參 三錢 明天麻 一錢 甘菊花 三錢 連翹 二錢 河水二鍾半。煎一鍾。加竹瀝、童便

各一杯。震天膏四五錢。飢時服。日二劑。初四至初九日。加淮生地黃三錢。初十。加牛膝四錢。黃柏二錢。十三日。去連翹。加石斛三錢五分。五味子七分。白扁豆二錢。乾葛八分。十八日。去連翹、天麻、乾葛、白扁豆。加蓮肉四十粒。

正月廿二日定方 初日進二劑。後每日一劑。天門冬 三錢 麥門冬 五錢 生地黃 五錢 白芍藥

四錢 牛膝 酒蒸 五錢 炙甘草 一錢 貝母 二錢 括蕒根 二錢 蓮肉 四十粒 酸棗仁 六錢 真蘇子 二錢

黃柏 一錢 甘菊花 二錢 鮮沙參 三錢 廣橘紅 二錢 五味子 八分 河水三鍾。煎一鍾。飢時服。

二月十二日定方 天門冬 三錢 麥門冬 五錢 真蘇子 二錢 廣橘紅 二錢 白茯苓 三錢 貝母 三錢

黃柏一錢五分 括蕢根二錢 五味子七分 鮮沙參三錢 玄參二錢 甘菊花二錢五分 甘草一錢五分 酸棗仁五錢

生地黃四錢 白芍藥四錢 牛膝五錢 蓮肉六十粒 十日後去括蕢根。三月廿八日去玄參。加

石斛三錢。至五月盡。病始全愈。前方中曾加參二錢。服二劑。反覺浮火上升。即去之。

丸方 胡麻仁三斤即黑芝麻 桑葉酒并煎三斤 何首烏三斤九蒸九晒人乳并至一倍兩倍 蒼朮二斤米泔浸洗淨刮去皮并黑豆煮又并蜜酒蒸又并人乳蒸凡三次熱時須烘晒極乾氣方

透 牛膝二斤如法 甘菊花二斤 懷生地三斤 天門冬去心酒蒸二斤 柏子仁二斤 黃蘗一斤 枸杞子二斤

又丸方先時合成病中仲淳以為可服 人參去蘆人乳浸飯上蒸切片烘乾十兩 五味子去枯者打碎蜜蒸烘乾十兩 山茱萸肉八兩 沙苑蒺藜一兩

藜一半炒為末一半打糊和藥十二兩 川巴戟天如法去骨以甘菊花枸杞子同酒浸蒸晒乾八兩 蓮鬚金黃色者良六兩 枸杞子去枯者及蒂人乳潤過烘乾十二兩 川牛膝去蘆

酒蒸 天門冬六兩 蓮肉去心每粒分作五六塊瓦器內炒焦黃忌鐵十二兩 白茯苓如法人乳拌晒八兩 黃柏蜜炙四兩 砂仁炒二兩 懷生地十二兩

鹿角霜酥并炒研如飛羅十二兩 鹿茸六兩火燎去毛切片酥炙 菟絲子末八兩 加甘菊花六兩 煉蜜同蕤藜糊和丸如梧子大。每六錢。空心飢時各服一服。淡鹽湯吞。

治右半身不遂右屬氣虛

白蒺藜炒去刺 甘菊花 何首烏如法 黃芪蜜炙 天門冬去心 麥門冬去心 人參去蘆 漆葉并酒

九蒸九晒 白茯苓水澄 白芍藥酒炒 牛膝去蘆酒蒸各十二兩 川續斷十兩 橘紅八兩 煉蜜丸梧子大。空心

白湯下。忌食白萊菔牛肉牛乳。若在左者屬血虛。宜加當歸身熟地黃鹿角膠柏子仁各斤許。酥炙杜仲八兩。如火盛多痰肺經有熱者。去人參。加青蒿子鱉甲各十二兩。如左右臂俱轉掉不便者。亦用

一 3 一

此方。

王宇泰治臧位字氣虛痰多。脾胃有濕。晚年半身不遂。神效。

人參 一斤

半夏 二斤

竹瀝 二斤

白朮 半斤

牛膝 一斤

天門冬 一斤

懷生地 一斤

用長流水煎成膏。

再入鹿角膠 一斤

虎骨膠 一斤

靈天膠 一斤

河間府黎膏 一斤

煉蜜 二斤

各製膏和勻。

重湯煮

一日夜。出火氣。每空心臨臥取半酒杯。以竹瀝、梨汁各二杯。人乳、桑瀝各一杯。和勻。重湯燉熱。調服。

寒

傷寒時地議并六經治法

夫傷寒者。大病也。時者。聖人所不能違者也。以關乎死生之大病。而藥不從時。顧不殆哉。仲景醫門之聖也。其立法造論。後之明師如華佗、孫思邈輩。莫不宗之。漢末去古未遠。風氣猶厚。形多壯偉。氣尚敦龐。其藥大都爲感邪即病而設。況南北地殊。厚薄不侔。故其意可師也。其法不可改也。循至今時。千有餘年。風氣澆矣。人物脆矣。況在荆揚交廣梁益之地。與北土全別。故其藥則有時而可改。非違仲景也。實師其意。變而通之。以從時也。如是則法不終窮矣。故作斯議。條列其方。稍爲損益。以從時地。俾後之醫師。知所適從。庶幾患斯疾者。可免於冤枉爾。

辨驗外感風濕法

凡外感必頭疼。其疼也不間晝夜。探其舌本。必從喉嚨內乾出于外。多兼煩躁。不煩躁者。即輕證也。不頭疼而發熱。不發熱而頭疼。頭雖疼而有時暫止。口雖乾而舌本不燥。骨雖疼而頭不疼。雖渴而不欲引飲。至夜或偶得寐。遇食不好亦不惡。居處雖若危怯。而神氣安靜。凡若此者。皆非傷寒也。

三陽治法總要

太陽病 其證發熱惡寒惡風頭痛項強腰脊強遍身骨痛。脈雖浮洪而不數。多不傳經。煩躁脈數急者。是欲傳經。宜先發汗以解表邪。其藥以羌活湯為主。羌活 三錢 前胡 二錢 甘草 八分 葛根 二錢

生薑 三片 棗 二枚 杏仁 九粒去皮尖研碎 水煎服。秋深冬月。應用此方。亦可量加紫蘇。葱白。如冬月天氣嚴

寒。感邪即病。服此藥不得汗。本方加麻黃一錢。生薑四片共前七片。得汗。勿再服。如病人自覺煩躁。喜就清涼。不喜就熱。兼口渴。是即欲傳入陽明也。若外證頭疼遍身骨疼不解。或帶口渴鼻乾目疼不得臥。即係太陽陽明證。羌活湯中加石膏。知母。麥冬大劑與之。得汗即解。如自汗煩躁頭疼遍身骨疼不解者。羌活 一錢 桂枝 七分 石膏 二錢兩 麥冬 六錢 知母 三錢 竹葉 一百二十片 白芍藥 二錢 甘草 八分

如冬月即病太陽證。惡寒畏風。頭疼遍身骨疼。自汗不渴。宜用桂枝 八分 芍藥 二錢 甘草 一錢 大棗 二枚 生薑 一片 太陽病不解。熱結膀胱。其人如狂。血自下者愈。其外證不解者。不可下。當先解表。表證

罷。少腹急結者。乃可下之。桃仁承氣湯。無蓄血證。大承氣湯。正陽陽明病 正陽陽明者。胃家實是也。其證不大便。自汗潮熱。口渴咽乾鼻乾。嘔或乾嘔。目胸胸不得

眠。畏人聲。畏木聲。畏火。不惡寒。反惡熱。或先惡寒。不久旋發熱。甚則譫語狂亂。循衣摸床。脈洪大而長。宜急解其表。用竹葉石膏湯大劑與之。不嘔無汗。與葛根湯。亦須大劑。若表證已罷。脈緩小便利。是病解矣。若表證罷後。邪結於裏。大便閉。小便短赤。宜用調胃承氣湯。或小承氣湯下之。下後。按其腹中不作痛而和。病即已解。如作痛。是燥糞未盡也。再用前藥下之。以腹中和二便通利爲度。陽明病不能食。若其人本虛。勿輕議下。陽明病頭眩。欬而咽痛者。用葛根、甘草、桔梗、麥冬四味濃煎。數數與之。陽明病無汗。小便不利。心中懊憹者。當發黃。急用梔子、麥冬、淡豆豉。大劑濃煎與之。如已見身黃。急加茵陳爲君主之。陽明病衄血。此緣失于發汗。宜用荊芥二錢、葛根三錢、麥冬五錢、牡丹皮五錢、蒲黃二錢、茅根二兩、側柏葉二錢、生地黃三錢、濃煎與之。兼飲童便。陽明病心下硬滿者。此邪未入于腹中。慎勿下之。用竹葉石膏湯。加括蕒一個搗碎。桔梗二錢、黃連一錢。陽明病邪結于裏。汗出身重。短氣。腹滿而喘。潮熱。手足濇然汗出者。此大便已鞏也。六七日已來。宜下之。用小承氣湯。不行。換大承氣湯。勿大其劑。若大便不鞏者。慎勿輕下。陽明病發汗不解。腹滿急者。亟下之。傷寒六七日。目中不了了。睛不和。無表證。大便難。宜承氣湯下之。陽明病下之早。外有熱。手足溫。不結胸。心中懊憹。不能食。但頭汗出。梔子豉湯主之。陽明病發潮熱。大便溏。胸滿不去者。與小柴胡湯。去人參加括蕒、黃連。陽明病自汗出。或發汗後。小便利。津液內竭。大便雖硬。不可攻之。須俟其自大便。用蜜導或胆導法通之。大下後。六七日不大便。煩不解。腹滿痛。本有宿食。宜再用承氣湯下之。食穀欲嘔。屬陽明。非少陽也。胸中煩熱者。竹茹

湯主之。竹茹 三錢 麥冬 五錢 枇杷葉 拭去毛 三錢 蘆根 三兩 內無熱證者。小便利口不渴。此爲陽明虛

也。吳茱萸湯主之。吳茱萸 二錢 人參 三錢 生薑 一錢五分 大棗 三枚 水煎。日三服。凡陽明病多汗。津

液外出。胃中燥。大便必硬。硬則譫語。以小承氣湯下之。若一服譫語止者。勿再服。陽明譫語發潮熱。脉

滑而數者。小承氣湯主之。服藥後腹中轉氣者。更與一服。若不轉氣者。勿更與之。若服藥後。次日不大便。

脉反微濇者。裏虛也。爲難治。勿復議下。陽明病下血。譫語者。此爲熱入血室。汗止在頭。用荊芥 三錢

葛根 三錢 黃芩 一錢五分 麥冬 五錢 牡丹 一錢五分 生蒲黃 二錢 濃煎。以童便對飲之。陽明病脉浮緊。

咽燥口苦。腹滿而喘。發熱汗出。惡熱身重。若下之。則胃中空虛。客氣動膈。心中懊憹。舌上有苔者。梔子豉

湯主之。若渴欲飲水舌燥者。白虎湯加人參主之。若脉浮發熱。口渴小便不利者。猪苓湯主之。陽

明病協熱下利者。宜六一散。心下痞者。以黃連括蕡湯調服之。脉浮遲。表熱裏寒。下利清穀者。四逆湯

主之。附子。乾姜。甘草。跌陽脉浮而濇。小便數。大便鞭。其脾爲約。麻子仁丸主之。麻仁 十三兩 芍藥 四兩

枳實 四兩 大黃 八兩 厚朴 三兩 杏仁 六兩 蜜丸如梧子大。每用十丸。日三服。陽明實則譫語。虛

則鄭聲。鄭聲者重語也。直視譫語。喘滿者死。下利者亦死。發汗多。若重發其汗。譫語。脉短者死。脉和者

不死。若吐若下後不解。不大便五六日。或至十餘日。日晡時發潮熱。不惡寒。獨語如見鬼狀。若劇者。發

則不識人。循衣妄撮。惕而不安。微喘直視。脉弦者生。濇者死。濇者陽證見陰脉也微者但發熱譫語者。大承氣湯下之。

利。勿再服。陽明病發狂。棄衣而走。登高而歌。此陽明實也。以承氣湯瀉下之。如便不結者。大劑白虎湯

灌之。石膏四兩 麥冬二兩 知母一兩五錢 加大青一兩、甘草七錢。太陽陽明病。協熱下利者。宜六一散。

以黃連煎湯調服之。太陽陽明并病。六七日表證仍在。其人發狂者。以熱在下焦。少腹當硬滿。小便自

利。下其血乃愈。當用桃仁承氣湯。又二陽併病。太陽證罷。潮熱汗出。大便難。譫語者。宜大承氣湯。

少陽病。其證口苦、咽乾、目眩、往來寒熱、胸脇痛、胸滿或痛、耳聾、脈法弦細、頭痛發熱者。屬少陽。少陽不

可發汗。發汗則譫語。胃和者當自愈。不和者則煩而悸。傷寒三日。少陽脈小者。欲已也。凡太陽病不

解。傳入少陽者。脇下硬滿。乾嘔不能食。往來寒熱。未經吐下。脈沉緊者。與小柴胡湯。柴胡二錢 人參九分

黃芩九分 甘草九分 半夏一分五錢 生姜九分 大棗二枚 水煎。溫服日三。加減法。若胸中煩而

不嘔。去半夏。人參。加枳實一枚。若脇下痞鞭。去大棗。加牡蠣二錢半。若渴者。去半夏。加人參、枳實

根。若腹中痛者。去黃芩。加芍藥三錢。若心下悸小便利者。去黃芩。加茯苓二錢。若不渴外有微

熱者。去人參。加桂一錢。夏勿用溫覆取微汗愈。若欬者。去人參、大棗。加五味子一錢。少佐以乾姜。陽明

少陽併病。必下利。脈滑而數。有宿食也。當承氣湯下之。若已吐下發汗溫針。譫語。柴胡湯證罷。此為壞

病。知犯何逆。以法治之。三陽合病。脈大上關上。但欲睡眠。目合則汗。藥用百合一兩 麥門冬五錢

炙甘草一錢 知母二錢 竹葉五十片 枳實根二錢 鱉甲如法三錢 白芍藥二錢 三陽合病。腹滿身重。

譫語遺尿。白虎湯加百合主之。傷寒六七日。無大熱。其人煩躁者。此為陽去入陰故也。傷寒三日。三

陽為盡。三陰當受邪。其人反能食而不嘔。此為三陰不受邪也。

三陰治法總要

三陰病。其證有二。一者病發于三陽。不時解表。以致邪熱傳入于裏。雖云陰分病。屬于熱。糞結宜下。腹滿不可按宜下。有燥糞協熱下利宜下。腹痛下利。宜芍藥、黃芩、炙甘草以和之。如便膿血。即加滑石、黃連。佐以升麻、乾葛。如邪雖入裏。糞猶未結。宜清其熱。渴者用白虎湯。竹葉石膏湯。不渴或心下痞者。宜黃連、黃芩、芍藥、枳殼、麥冬。括蕒輩以清之。或邪未結於下焦。少腹不堅痛。而誤用芒硝以伐真陰。洞洩不已。元氣將脫。宜用人參、白朮、炙甘草、大棗、乾姜、芍藥。大劑與之。不止。佐以升提。升麻、葛根、柴胡之類。

若從無陽邪表證。從不頭疼發熱。寒邪直中陰經。此必元氣素虛之人。或在極北高寒之地。始有是證。法宜溫補以接其陽。附子、人參、乾姜、官桂。大劑與之。陽回寒退。即以平補之劑調之。勿過用桂、附。以防其毒。三陰各經見證。悉從仲景傷寒論法治之。如少陰咽痛咽中生瘡聲不出。用苦酒湯。到咽即效。故知古人立法。非今人可及也。

春溫夏熱病大法

冬傷于寒。至春變爲溫病。大都頭疼發熱。或渴或不渴。三陽證俱然。亦間有先微寒後即發熱者。大抵發熱其常也。藥用辛溫。佐以辛寒。以解表邪。太陽宜羌活湯。陽明宜白虎湯。無汗不嘔者。間用葛根湯。少陽往來寒熱等證。不可汗吐下。宜和解。小柴胡湯。渴者。去半夏加括蕒根。耳聾熱盛。去人參。加麥冬。知母。括蕒根。渴亦加之。

至夏變爲熱病。其表證大約與春溫同。但熱比于溫則邪氣更烈耳。解表用白虎湯、竹葉石膏湯。有太陽證則加羌活。有少陽證則加柴胡、黃芩。如發斑。白虎湯、竹葉石膏湯。加玄參、梔子、桔梗、鼠粘、連翹、大青、小青、青黛。大劑與之。二證若大便秘。宜按之。其邪已結于內。便鞭。宜察邪結中焦。小承氣湯。調胃承氣下之。邪結下焦。少腹堅痛。始用大承氣湯下之。

傷寒溫疫。其不可治及難治者。皆屬下元虛。

傷寒溫疫。三陽證中。往往多帶陽明者。以手陽明經屬大腸。與肺爲表裏。同開竅于鼻。足陽明經屬胃。與脾爲表裏。同開竅于口。凡邪氣之入。必從口鼻。故兼陽明證者獨多。

邪在三陽。法宜速逐。遲則胃爛發斑。或傳入于裏。則屬三陰。邪熱熾者。令陰水枯竭。于法不治矣。此治之後時之過也。

近代醫師鹵莽。既不明傷寒治法。又不識雜證類傷寒。往往妄投汗下之藥。以致虛人元氣。變證叢生。元氣本虛之人。未有不因之而斃者矣。戒之哉。汗下之藥。焉可嘗試也。

時氣傷寒 除陰症不可服。

苦參一兩。水酒各一碗。煎八分。重者水醋各半服之。一汗而愈。不論傷寒久近。立效。本草云。天行尤良。

史鶴亭太史。丁亥春患瘟疫。頭痛身熱。口渴吐白沫。晝夜不休。醫師誤謂太史初罷官歸。妄投解鬱行氣藥。不效。又投以四物湯。益甚。諸醫謝去。謂公必死。遣使迎仲淳至。病二十餘日矣。家人具以前方告。仲淳

曰。誤也。瘟疫者非時不正傷寒之謂。發于春故謂瘟疫。不解表。又不下。使熱邪彌留腸胃間。幸元氣未盡。故不死。亟索淡豆豉。約二合 許炒香 麥門冬。兩許 知母。數錢 石膏。兩許 一劑。大汗而解。時大便尚未通。太史問故。仲淳曰。昨汗如雨。邪盡矣。第久病津液未回。故大便不通。此腸胃燥。非有邪也。今日食甘蔗二三株。兼多飲麥門冬湯。不三日。去燥糞六十餘塊而愈。

章衡陽銓部患熱病。病在陽明。頭痛壯熱。渴甚且嘔。鼻乾燥。不得眠。診其脈洪大而實。仲淳故問醫師。醫師曰。陽明證也。曰。然。問所投藥。曰。葛根湯。仲淳曰。非也。曰。葛根湯非陽明經藥乎。曰。陽明之藥。表劑有二。

一爲葛根湯。一爲白虎湯。不嘔吐而解表。用葛根湯。今吐甚。是陽明之氣逆升也。葛根升散。故用之不宜。

白虎湯。

硬石膏知母甘草

加麥門冬、竹葉。名竹葉石膏湯。石膏辛能解肌鎮墜。能下胃家痰熱。肌解熱散則不嘔。

而煩躁壯熱皆解矣。遂用大劑竹葉石膏湯疏方與之。且戒其仲君曰。虜荊非六十萬人不可。李信二十萬則奔還矣。臨別去。囑曰。斯時投藥。五鼓瘥。天明投藥。朝瘥瘥。已而果然。或謂嘔甚。不用半夏何也。仲淳曰。半夏有三禁。渴家汗家血家是也。病人渴甚而嘔。是陽明熱邪熾盛。劫其津液。故渴。邪火上升。故嘔。半夏辛苦溫而燥有毒。定非所宜。又疑其不用甘草。何也。曰。嘔家忌甘。仲景法也。

高存之隣人賣腐者。傷寒發噦。兩日夜不省人事。仲淳問曰。汝父當時曾頭疼身熱乎。曰。然。曰。曾服汗藥乎。曰。未也。曾吐下乎。曰。未也。仲淳因案傷寒書檢之。其方類用乾姜、柿蒂、丁香及附子等溫熱之藥。末條僅載白虎湯一方。仲淳思之曰。傷寒頭痛身熱口渴。本屬陽明熱邪傳裏。故身涼發噦。未經汗